

NOVA
PLANTARUM
AMERICANARUM
GENERA.

Authore P. CAROLO PLUMIER Ordinis
Minimorum in Provincia Franciæ, & apud Insulas
Americanas Botanico Regio.



PARISIIS,
Apud JOANNEM BOUDOT, Regis & Regiæ Scientiarum
Academiæ Typographum, via Jacobæa, ad Solem Aureum.

M. DCCIII.

CUM PRIVILEGIO REGIS.

CORTUSA.

Tab. 8.

Cortusa est plantæ genus flore A polypetalo, anomalo, ex quinque scilicet petalis inæqualibus & dissimilibus constante. Ex cujus calyce D E surgit pistillum F, quod deinde abit in fructum G ovatum, carnosum, officulo foetum H I, in duo loculamenta diviso K, semine foeta tenui & oblongo L.

Cortusæ unicam agnovi speciem.

Cortusa arundinacea, amplis cannaçori foliis.

Ricob. de
Gymn. Pa-
tav. &
Thuanus in
Gymn. Pa-
tav.

Jacobus Antonius Cortusus, præter generis nobilitatem, sibi decus & ornamentum suis ipsius studiis ac virtutibus comparavit. Semper enim fuit studiosus quam qui maxime; ac tametsi Medicinam numquam professus est, tantopere tamen simplicium medicamentorum cognitione est delectatus, & herbarum omnium, fruticum, arborum vires tam exacte cognovit, ut qui hujus rei peritior suis temporibus fuerit nominari posse nemo videatur. Obiit anno 1593. nullo Opere edito, nisi Catalogo plantarum Horti Patavini, italice Venetiis excuso.

ALPINA.

Tab. 11.

Alpina est plantæ genus flore A monopetalo, anomalo, tubulato, personato, tri-fido, petalum intus continente, cujus pars anterior A A excavata & alata, posterior vero in annulum definit pistillo C floris trajectum. Calyx autem D abit in fructum E ovatum, carnosum, trifariam ab apice ad basim dehiscens F, seminibusque foetum H, tenuibus capillamentis placentæ affixis G.

Alpinæ unicam speciem agnovi. Plurimæ tamen insunt plantæ apud Americanas Insulas nascentes, floribus & fructibus ei affines.

Alpina racemosa alba, cannaçori foliis.

Linden. 12.
nov. 925.

Prosper Alpinus natus est Marosticæ, Oppido ad montium vincetorum radices amœno, an. 1553. patre Francisco Alpino, Medico sui temporis insigni. Nactis Patavii an. 1578. Medicinæ Doctoris insignibus, biennio post, simplicium exoticorum indagandorum gratia 1580. Venetiis solvens, in Ægyptum trajecit,

